

樂川閣集



一



雲川閣集

序

辛巳春嚴中允藕漁先生語予曰杜子紫綸嘗請序其詩病未能也子幸成吾志予未有以應後杜子行在爰供奉 內廷既而擢甲科預館選與都更唱迭和其詩日工且富而中允遂不復見矣中允為詩氣體高潔風度閑遠有王右丞韋刺史之風杜子早歲服膺學有根柢而天才秀逸當賓朋歛集刻燭分題散華落藻初不自矜惜然其襟韻瀟灑超然塵俗之表如善手明徽清心高張與中允有同操焉中允所以願為之序而不忘也中允以布衣受知未老乞休引靖節



雲川閣集 陸序
之辭以自況杜子盛年以終養歸門庭蕭寂几格清嚴
志趣殆與之合又不特規摹其詩而已杜子援中允之
言來徵予序予舊屬中允忘年交侵尋晚晚息影空山
回憶雨青草堂一編晤對嶽崎歷落多世外之譚嗟乎
老成雖徂典刑猶在文章得失千古寸心悠悠斯世舍
杜子其誰語哉中允仲子人溶命予序秋水集予亟稱
雅人深致今復申其說以美杜子之詩夫世未有不遠
俗而能上追古人名一家言者也雲川杜子所居閣以
賜書名戊戌中春鐵莊陸楮題

雲川閣集

詩一

無錫 杜 詔 紫綸

蘭茗小嶼詩上

起癸酉

余髫年善病絮語工愁閒情半託乎倚聲壯氣盡銷
于帖括即然脂弄墨亦嘗屬意新詩乃暈碧裁紅不
免貽譏大雅然而陳言務去少作奚傷筆試珊瑚漫
分香于豆蔻辭妍翡翠曾選句于蘭茗既采擷之未
遑塵封敝簾又棄捐之不得手理殘縑約計百篇釐
為二卷

讀樊川集

雲川閣集 言一
落拓何辭薄倖名翩翩書記亦風情劇憐芍藥詩成後
摘艷薰香過一生

雨泊吳閶送春同顧梁汾先生作

六宮花老淚臙脂點點殘紅墜晚枝自是東風無著處
本來西子有歸時錦帆冷落青簾舫玉管闌珊白紵詞
雙槳綠波留不住半塘煙柳雨如絲

偶拈唐宋人軼事屬華子山繪圖八幅各系短

章

天寒正飛雪誰貫旗亭酒淪落三詩人名傳衆伶口雙
鬟始發聲一唱盡頰首玉笛不分明春風怨楊柳

好道亦云晚求名良自勞身遊貴主第曲度鬱輪袍佐
酒極歡宴跌宕餘風騷如何凝碧池弦筦愁雲璈

秋月一何白秋江一何清不聞琵琶語如奏琵琶聲裂
帛那成曲纏頭空復情豈無青衫淚落在琵琶亭

滿堂予美人繡幙羅繽紛兩兩紅粉行中有一些雲逸

氣凌司徒狂言發司勳為笑當世士齷齪何足云樊川本傳

不為齷齪小謹

紅杏幾枝春風流呼小宋十年矜史筆名與歐陽重明
燭粲華容豐貂煖香夢一笑謝相公寒蘼憶曾共

顰容斂翠蛾軟語回丹脣宛轉不成歌悲秋復傷春風

吹柳綿少夢與梨花親藥爐伴經卷相將悟前因
何來方山子豪氣無與儔怒馬驚獨出嬌娥喜偕遊紅
妝成小隊射獵西山頭晚遯光黃間可望不可求
穩載一篷雪小汎一湖冷悅聞吹笛聲暗香落疎影碧
袖不停歌翠樽應未醒笑問白石仙春風一何幸

陽羨采茶歌

天子未嘗陽羨茶百卉不敢先開花玉川此語非矜夸
至今早擷催山家山家忙殺采茶女禿袖長衫小雲髻
社日纔過逢穀雨亂插山花入山去入山女伴遙相望
犂确山路尋微茫廟前廟後人迹少半陰半晴蘭氣香

幾簇旗槍幾叢綠紫筍未吐金芽長采采止盈掬官家
輸不足歲貢罷銅官何須龍鳳團生小山中作茶戶絕
勝農人並樵父附葛板蘿敢辭苦朝莫空山但愁虎

惠山泉烹陽羨茶歌

九龍山泉出山不中冷名第一荆南四月采茶來
紗帽籠頭品奇絕鬪茶公子弄春泉井旁攬石何涓涓
片甲先抽穀雨前適與茲水相新鮮拂拭筠鑪手親煮
鬚絲扶起春深煙春深院落悄無喧松濤沸耳醒晝眠
火紅松子水微穀蟹眼細碎魚眼圓半甌綠泛色輕淺
一翦香浮意深遠風生習習肌骨清金盞玉鱠無餘腥

為憶山人傳好句湘水秋聲陽羨雨

王孟端惠山竹壚詩氣蒸陽羨三春

雨聲帶湘江兩岸秋為卷中絕唱

待箋水注補茶經不數盧仝和陸羽

秦淮曲

我復來秦淮秦淮來已暮官柳何蕭蕭桃葉秋風渡渡
頭風亂生吹笛蘆花汀誰倩小伶歌悽絕不可聽金粉
六朝盡艷曲歸江令文采數前朝風流及時盛士女雜
鉛華江山重掩映新亭送客愁舊院催妝竟玉釵垂髮
鬢繡幙圍網緼酒盡青溪社詞翻白練裘百年人恍惚
昔夢今消歇夾岸冷紅燈當樓閒素月月明淮水寒忍
再卷簾看娟娟石城下留照馬湘蘭

江上行

江上行叢叢蘆葦聲小駐木蘭檝隔浦聞彈箏一隲入
窈窕雅負桃花名桃花看不見半掩桃花扇笑語重來
白面郎曾為桃花紅上面

燕子磯晚眺

憑高縱遠目殘陽落何處冥濛江上山冪歷江邊樹江
聲撼絕壁頽波日奔注洗盡朱方戰血腥不識中流誰
砥柱燕子飛來又飛去片石江心獨留住

和幻香亭無題八首元韻

自是尋春未算遲一春惆悵已多時阿誰去便迎桃葉

雲川隱集 詩一
若叔來應認柳枝
顧我寂寥當永晝
向人搖曳是游絲
多情肯放花零落
其奈狂風著意吹

曾向仙源一問津
人間無處著閒身
夢回行雨元非幻
望去驚鴻底是真
羅袖怕霜傷別淚
彩毫羞說画眉人
風流爭似元才子
貌得崔徽墨未勻

臨妝草草掠雲鬢
簾卷層樓水一灣
粉蝶棲香迷曉霧
彩鸞窺鏡澹春山
花鼓隔幔愁相對
柳躡離亭悵獨攀
著破藍衫易消瘦
沉思何計慰紅顏

擁衾深夜薄寒生
無可思量又五更
竊藥何人能向月
登仙無路學吹笙
眼看蠟淚雙痕重
手劃香絲一縷輕

青粉牆頭銀漢裏
盈盈秋水淺深情

掀簾未肯露全軀
還哂狂奴故態無
蠶入都房自撩亂
馬銜香草亦踟躕
深情猶記烏絲寫
薄醉曾邀翠袖扶
須信人生行樂好
莫辭鼓瑟應歌呼

相於焉得共朝昏
跳脫雙鑲與細論
敲枕欲消薌澤膩
卷簾空惜綠陰繁
况疑響屨頻窺影
遙想回眸一斷魂
小閣蓬萊思舊事
角聲悽楚咽譙門

箇中滋味冷于秋
小疊瓊箋淚未收
百感茫茫何至此
寸心歷歷自從頭
因風弱絮渾難定
貼水殘花本易浮
幾費尋思倍惆悵
夕陽影裏怕登樓

羅纓玉綴佩深恩一夕濃香號返魂不信芷蘭空有怨
何如桃李竟無言心憐繡頰矜春艷夢覺金鈴破夕昏
收拾新愁兼昔恨待刪綺語懺情根

再和幻香亭韻八首

迷濛香霧著人遲珠箔飄燈破曉時謾憶蘅臯分翠羽
願貽蘭佩折瓊枝微波已是參三昧密意何當露一絲
腸斷鳳樓蕭史曲玉簫閒向月明吹

口嚼紅霞燕玉津蓬山小隔兩分身誰翻舊曲名如意
強答新詩擬會真宿霧也堪消渴疾游絲祇合絆愁人
一緘珍重鴛鴦牒鼠尾蠅頭細細勻

青鳥銜牋倩小鬟飛飛曾不度銀灣也知婉變宜金屋
未信神仙住玉山湘渚有蘭空自佩宋牆無杏可容攀
從今但乞餘杭酒取醉油囊一破顏

由來慧業自三生風月都隨節序更羅薦尚虛金縷枕
綺寮深負紫鸞笙愁濃旋覺梅妝淡艷極誰憐燕體輕
讀得相如美人賦世間才子總無情

酷憐細骨與輕軀密帳吹蘭夢得無一昔笑言猶髣髴
百端棕緒費躊躕春殘弱繭紛難理露重新花嫩欲扶
斜擁翠衾慵未起隔簾鶯語似相呼

愁緘故紙半塵昏窄地逢卿更細論懊恨海棠嫌睡淺

交加梳子惜香繁判將杜牧傷春意銷盡江淹賦別魂
他日重尋舊蹤跡刺桐花底扣重門

莫向秋時怨杜秋幾拋羅纈倩誰收分香簾內曾攜手
擁髻燈前記卸頭自挾柔情歸洛浦可因清夢到羅浮
夜深休合金魚鑊辜負新涼月半樓

鈿釵寧負舊時恩不礙情絲攪夢魂執象禮嚴從姆教
束薪詩戒信人言傳來碧玉歌難續別去青鸞鏡易昏
望斷石城無艇子誰迎桃葉共桃根

南朝

南朝司馬奏新聲狼籍春燈夢不醒便去乞師成底事

包胥應悔哭秦庭

酬嚴藕漁先生一絕句

敢云內翰與分司

先生評余近詩云以杜分司之俊爽發韓內翰之幽咽

靡濫風

人艷體詩安得天然去雕飾一編秋水是吾師

先生集名秋水

乙亥入都與同人話別舟次

南浦一相送依依戀去查共憐吾喪母忍見客辭家極
目愁紅雨傷心感白華浮雲與落日兩兩隔天涯

早發

雞聲催早發風緊驟揚舲擁被餘殘夢披衣尚曉星柳
煙昏夾岸人語出孤汀從此征途遠才過十里亭

三月三日雨中渡江望金焦二山作

春花春草亂平蕪
滿眼春光客興孤
小雨挂帆當上已
輕風吹絮過東吳
兩峯黛簇分江嶼
一抹煙濃濕畫圖
見說西湖比西子
此山曾比二喬無

過泰山

重重危磴石嶙峋
策馬行遲蹋細塵
側帽山光看欲落
盪胸雲氣辨難真
三春社鼓燒香日
一路風燈納稅人
七十二君封禪後
文明天子又東巡

白溝河懷古

遼宋分疆是白溝
百年盟好重綢繆
燕幽不道開邊釁

童蔡何曾爲國謀
一寸山河憐破碎
十香詞句擅風流
投鞭遮莫金人笑
狼藉西湖粉黛愁

曉次琉璃河

鈴聲斷續煙迷離
盤紆石路高復低
據鞍登頓滑馬蹄
踏殘曉月明琉璃
琉璃光爍天始曙
一碧涵空漾春樹
翠密蒙茸不知處
兩兩鴛鴦自飛去

范石湖詩琉璃河上看鴛鴦

馬上口占

長安春暖百花開
無奈春心冷欲灰
縱有馬頭紅杏色
此行非是看花來

薊門雜詩十首

羈心增百感飄泊况逢秋木葉桑乾脫風聲石鼓愁名
都今宛洛絕塞古燕幽不少黃金客常教悔薄遊
薊北風霜日江南橘柚時歸期殊未得旅况竟如斯蕭
瑟悲秋賦飄零哭母詩春暉仍戀戀寸草有餘思
搔首憑誰問含淒忍放歌青雲看浩渺綠鬢笑蹉跎索
米長安住攤書竟日過朱門絲管靜清絕似巖阿
幽賞無多地閒園窄徑斜有時凭石檻隨意數秋花牆
角風生竹簷前雨沸茶卷簾還看画能使客忘家
公子誠投分心期良不違倣裝千里去從獵幾時歸沙
磧羊腸險邊亭獸肉肥九門饒朔氣有客賦無衣

偶出郊原外徘徊夕照間長臨玉泉水遙睇翠微山內
苑皇州色西風客子顏健兒驅馬疾得意射鵬還
天壽諸陵在無人去采樵夕陽多古剎秋草半前朝蟋
蟀吟衰颯鼯鼯叫寂寥百年滄海異何暇問金遼
每向青門望長從白堦過晚煙宮柳重秋意景山多細
雨愁金管涼颼冷玉珂蹇驢無住著旅館近如何
入夜蕭齋掩淒清不可論孤吟羣慮淡獨坐一燈昏客
淚無端落家書滿篋存擁衾秋正冷爐火待重溫
羣馬正悲鳴中含感粟聲滿城天欲曉殘夜月猶明閱
世身安託還家夢不成整衣枯坐久低首念平生

送諸國書南歸因酬華子思唐臣哉馬碧滄寄
懷之作

送君南歸日念我北征時時方駘蕩春東風綠楊枝我
友各相送握手多淒其累累客長安于君樂新知君今
先我歸欲別還遲遲歸時見我友為我各致辭相思苦
迢遞悵念桐花詩攬衣慘雪色抱質矜素絲焉能事干
謁徒令識者嗤寸心托雙鯉日夕東南馳沉聞歸鴈聲
肯負三秋期

為博將軍問亭題東臯漁父圖

將軍不受纓綉縛寶玦珊瑚半零落飛甍鱗次十二衢

隙地無多作丘壑白蘋洲上好風多紅藕叢中小舟泊
水粼粼煙漠漠掉頭便是江湖樂何必層樓炫花萼

聞鴈和博將軍問亭

涼颼颼帶他鄉聽得南歸一鴈翔細數雲山千萬疊
暗驚弦柱十三行飛鳴可怕施矰繳飲啄還愁犯雪霜
莫放月明思婦覺夜深含淚翦秋裳

次韻簡姜西溟先生二首

謠詠無傷讀楚辭修名不立歎何遲心叅涑水分修史
學邃遺山獨論詩邸舍漫邀通夕語天涯幸作比鄰時
時以比鄰
詩屬和
多因問字相過數風雨秋燈起夢思

雲川閣集 言一
紛然大馬共高車羞澀風塵策蹇驢彈鋏無心耽旅食
望雲何處認吾廬誰夸一藝能名世為念三生未卜居
手不停披吟不絕退之休上相公書

次顧敬亭韻送分靄主人扈從北征時予將南
歸兼以誌別

欲別君歸且送君驚心飛檄屢傳聞身隨豹尾占烽火
路遶龍堆逼陣雲鴉背夕陽空一片馬前春色欲三分
離歌唱徹從軍樂為望帷宮早策勲

寄園餞別次敬亭韻

曾陰漠漠塞雲垂烽燧遙傳鼓角悲知己一尊分手處

離家三月落花時羽林宿衛年何少博陸封侯事未遲
此去邊亭破殘賊凱歌遙慰故人思

奉別東風居士

清讌紅蘭室深情及草茅門多珠履客身是布衣交妙
句凌曹植長吟對孟郊

謂朱贊皇

東風留別意肯放燕歸巢

次韻酬王服穎周礪山

共是江南客春風我獨歸贈詩深婉變夢雨淡霏微驛
路無花折離亭有絮飛飄零兩才子相對欲霑衣

別大司馬秀水先生

鳥有鳳兮魚有鯤蒼天碧海同飛翻籓籬之鷄尺澤鯢

瞻望弗及徒心煩憶昔遊遨向京國媿我微才受公識
別公五載復謁公故我依然少顏色於乎括髮遭母喪
千里告哀公太息載拜乞一言庸以章母德大章辱公
賜悲感淚盈臆寸心怏怏走踈踈不敢復戀京華春荷
公拳拳告公別願公令名常日新世說祁公守清介豈
知武庫饒經綸獨典樞機運籌密八荒久矣無風塵小
醜今方事征討路出居庸野無草遲遲行道柳依依勿
令雨雪歌采薇膚功一奏報天子吉甫來歸受多祉
旦暮聞之為公喜伏櫪猶然壯心起

秀水先生賦詩贈別落句云一甌乳水名泉好

世味今朝淡客心因感而有作

年華冉冉路茫茫栖泊渾忘在帝鄉客意何嘗諳世

味歸心元只愛泉香句拈楊柳歌三疊牋擘桃花唱滿

堂時寧田叔暨翰臣詒穀並和子弟謝家余忝竊幾曾焚去紫羅囊

歸來

擾擾經年作遠行歸來門巷色淒清老親熟視嫌身瘦
稚子遙迎覺面生雨濕征衣兒女淚春憐夢草弟兄情
夜闌輒語重簾下再剔殘燈說鳳城

顧倚平自城南復歸涇里悵然有懷兼示中以

居如秦贅悵花前倚平贅干華氏贈婦詩多顧彥先浪跡縱教

歸故里吟情應復戀菰川曉簾最憶消魂語余與倚平時共填詞
春水聊同聽雨船中以有聽雨船詞可歎蕭條家壁立臨邛酤
酒倩誰憐

向與顧菴渚朱贊皇華子山偕諸同人社集今
忽忽十年惟子山時相晤對贊皇留滯燕臺諸
同人如晨星落落而菴渚則墓已宿草矣追憶
舊游感賦

曩昔宴游好頗盡平生歡平生得良友築壘摩騷壇涇
臯佳公子風格追建安結交巖穴士磊落輕儒冠終歲
偕我遊訪我城南端我時方總州學步趨邯鄲素侶相

因依日夕恣盤桓放浪開好懷差覺宇宙寬隨時一扁
舟因風泝微瀾亦復理雙屐登歷山巘屹撫松眇雲卧
嚼蕊甘霞餐豈必乘青螭長嘯和鳴鸞校書山閣中滿
目青琅玕悅澤愛春花芬馥盈秋蘭各隨性所翫淋漓
一濡翰新詩故可喜脫手驚彈丸落紙互欣賞遠近多
傳看方期百年內揚華蔚成觀何意晨風飄零落明星
殘蓬居感塊處噫吁抱長歎流光去若駛綠鬢愁欲斑
中酒兼懷人四顧長漫漫朱生客朱邱雜沓從金鞍華
子一山人相對空山寒回首事猶昨聚會良已難清歌
不再理玉軫誰復彈悅聞山陽笛能勿生悲酸

偶理散帙因得顧景行先生庚午歲暮寄懷詩
讀之泣然賦此

先生才大遇坎坷先生于世無一可顧我骯髒歌倚聲
濫竊吹噓重揚簸蕪音瑣碎何足云漫勞齒頰還餘芬
惆恍迷魂招不得鮑家詩唱空秋墳篋中揀得舊詩草
脫落蠅頭楷書小悲君末疾廢管城口授阿咸成此藁
拂拭多時吟未了雨閣雲沈殘月曉中有曉風殘月柳
耆卿淡雲閣雨陳

同甫
之句

五老詩

吾鄉為風雅名區而老成無幾余所師事者

三其二則交訂忘年並叨賞愛與三先生均
于生平有知己之感焉詩以志不忘也

嚴先生藕漁

得賦歸田後焚香只閉門詞妍韓內翰筆妙趙王孫與
世無纖染投詩必細論病中書一冊珍重百年存先生
為余
作楷書一冊跋尾云病不能書于茲六年矣
子非不知其不能聊為他日存故人餘蹟耳

華先生滄江

一卧滄江晚狂歌亦自豪儘教塵夢遠但放笑聲高老
去猶青鬢閒來試彩毫城南諸後俊還仗主風騷

顧先生梁汾

久作安昌客相憐是戴崇名緣才子重心賞小詞工山
閣遙分翠花茵碎落紅紫微清夢覺彈指一聲中先生自號
彈指
詞人

劉翁沛然

亭亭如野鶴獨立自超塵骨相寧諧俗風期最近人慣
將詩送日竊喜我為鄰相對衡門下頻提往事新

鮑翁南侯

雙鬢已垂白時還憶少年由來公子貴生受美人憐醉
淺熏衣坐吟深就榻眠多情常為我擘盡浣花牋
答華象五病中見懷因追憶敘彝上人

風雅亦零落多君能賦詩神清新病後節感乍寒時丹
葉迎秋早黃花冒雨遲一編寥廓好慧覺寸心知敘公寥廓
集為象
五手編

嚴人弘見過同訪陸鴻儀為題画册

方喜嚴陵至還尋陸羽來九峰當面落一水到門迴遠
近分煙樹叅差露石苔盡教歸筆底閒夢白雲隈

鄒可遠同華漢長之休寧張懋和之揚州華馭
調之儀真而于九復往浙西且直抵閩中也為
成短句

之子各言別殘杯盡此宵一帆瓜步雨二月浙江潮客

路俱綿邈山城半寂寥春風愁獨立煙柳小紅橋

大中丞宋漫堂先生垂示滄浪小志因用歐陽

公滄浪亭元韻賦呈

滄浪之亭不可問何人更賦滄浪篇朝來細讀滄浪志
令人懷古心茫然蘇子子美倜儻生浮沈宦海波迴環
當其越職入言事不與羣小爭暄妍飲酒得罪何足云
一時衆議徒喧喧來寓吳中起精舍作亭傍水招雲煙
此地雖然逼城市到此曠朗祛塵緣卜築時偕梅聖俞
風期差擬李謫仙紅蕖綠水滄浪裏幅巾小艇滄浪邊
數聲水調歌欲絕子美滄浪亭詞調寄水調歌頭菰蒲蕭瑟成秋田太

息茲亭久蕪沒滄浪之水空瀾漣只今故址復新構豈

資遊覽縻金錢漫堂先生酷嗜古狂客落魄魄能相憐知

已千秋詎同調曾次磊落同其天數向滄浪理遊履觀

魚獨步長臨淵子美有滄浪亭觀魚及獨步遊滄浪亭二詩旌麾不礙雲山

約賓從或驚鷗鷺眠公與人民盡娛樂時公撫吳越四

年亭成不日公自記歐陽詩句同流傳

新涼

一綫微風動碧寮為拋羅扇試吹簫月來小院分修竹
人在疎簾近綠蕉深坐葛衣妨露氣乍眠冰簟覺秋宵
夢餘可待熏金鴨抹麗香濃半欲銷

殘荷

曉來微雨滴圓荷
艷艷芳塘漲綠波
濕翠霏微花氣澹
褪紅零落淚痕多
誰攜仙子歸湘浦
曾聽歌聲憶芡蘿
抱月飄煙初罷舞
掌中無力定如何

八月十四夜虎丘雨後

紛然羅綺笑傾城
一片濃熏逐隊行
雨洗山林歸本色
夜闌歌板出新聲
花間得月當樓滿
樹底飄燈隔水明
獨上可中亭上坐
遍身風露欲寒生

樵李

樵李城荒失舊基
夫椒相望重淒其
須知一戰強吳日

已盡三年報越思
麋鹿故宮悲伍相
鴛鴦秋水夢西施
幾絲煙雨冥濛處
過客還題弔古詩

西泠雜詩

丁丑秋九月家詒穀招集湖舫同遊者為邵
氏諸昆二峰豫鍾克大暨祝矜刪華子山舍
姪鳴山共余八人時屆深秋湖山澹沲雖風
景寥落而歌吟笑呼有足樂者已而飲散湖
濱獨余與子山鳴山留宿孤山之酒樓次日
復櫂小舟過放鶴亭弔岳墳尋蘇小墓窮天
竺韜光諸勝復信宿靈隱山房流連憑眺凡

三閱日得七言斷句十六首皆隨感隨作都
無倫次云

珠簾画舫一攜尊
擢向平湖蹙浪痕
好景六橋須記取
曉風吹過湧金門

十里空濛一望間
淡妝濃抹露煙鬟
画眉人試青螺黛

好寫西湖鏡裏山

時詒穀就
婚于邵

無多綺麗著人思
况值涼秋九月時
桂子荷花早零落

尊前誰唱柳卿詞

猶是笙歌競繞堤
湖光黯淡草萋迷
香山別後看山去
才子無多莫浪題

小試霜毫蘸墨纖
墨痕狼籍漬青衫
坐中年少烏衣客

偏是秋先得大凡

克大有勝侶宜頻集
秋光得大凡之句

湖心亭畔再維舟
得被勾留便欲留
最好酒闌歌板歇
兩三人宿水邊樓

寺寺鐘聲聽不眠
小樓人起半湖煙
為看朝旭湖邊立
五柳居前喚渡船

一羣白鶴自梳翎
處士梅花冷翠屏
豈是山林終寂寞
就中新構 御書亭

趙家粉黛盡南都
聚景園荒遍綠蕪
輦路東風誰復認
遊人還說賽西湖

只今何事感興亡腸斷秋風白鴈行
瓦落宮牆聞蟋蟀分明猶怨賈平章

弔罷于墳拜岳祠黃龍未搗誤班師
雖云忠愍孤忠苦猶見南宮復辟時

行來細路石嶙嶒鬼火冬青樹裏燈
爲問鳳皇山脚下何人一弔宋諸陵

油壁青驄事杳冥細風吹雨入西泠
可憐歌斷黃金縷翻出新聲唱小青

小隊蠻裝望若雲秋衣一翦雜濃熏
風迴繡幃香車過無復當年上馬裙

冷泉亭上試新茶信宿還來衲子家
中有小樓三面竹卷簾紅葉半山花

重重樓閣繞臨安躡屐何煩立馬看
獨上北高峰頂望浙江潮湧海門寒

雲川閣集 詩一

雲川閣集 詩二

蘭茗小嶼詩下 訖甲申

行見月二首

昨負良宵遊誰家明月樓華燈夜市過
細雨春江愁暝色上新霽金丸落行舟
舟行指吳閭雙槳出橫塘波影搖碎綠
煙絲上微黃心憐夜皎皎目極春茫茫

石湖春曉曲

越來溪頭太湖尾一片冥濛曉煙裏
日光浮動波鄰鄰

亂翦鮫綃散霞綺灩澦靡迤一鏡中粧成髮鬢青鬢鬆
鴛鴦艷錦相間紅百花開盡吳王宮吳宮花落烏栖樹
可笑鴟尾獨容與一舸翩然從此去苧羅人對東風語

舟次鄧尉山步月梅花下

春風木蘭檝日落輕帆卸迤邐來名山好天復良夜散
步陟山坳明月萬峰射老梅千百本縱橫雜桑柘遠近
香微茫疎密樹低亞淡絕靚妝人輕寒濕羅帕瘦煙弄
春碧玉魂與俱化水精欲眠夢抱月鉤闌下

滄浪亭梅花盛開呈漫堂先生

誰占江南春梅花固獨絕翛然出羣姿幹老如屈鐵敷

蘼被穠纖凝神蘊高潔滄浪照疎影冰寒沁花骨尋花
繞曲磴亭虛暗香冽徙倚懷清風飄飄散微雪山林與

官閣吟情阻遼闊何時繼高唱玉笛共吹徹

先是公以
靈巖玄墓

看梅詩垂示
未遑和也

漫堂先生惠漁洋綿津二家詩賦謝

束髮嗜聲詩冥搜竟何用艷體泥徐陵妍辭眩蕭統觸
目紛葳蕤舉手雜拈弄小鳥語啁晰何由識鸞鳳商丘
宋夫子名位日以重浩渺歎綿津漁洋相伯仲三吳早
流播九壤悉傳誦瑤華辱嘉惠焚膏坐吟諷溯源自風
騷沿流及唐宋大筆何淋漓苦心重磨礱標格故雋上

雲川隱集 言二
精采各飛動碧海掣長鯨波瀾竊驚恐噫吁笑女郎山
石句堪風願下涪翁拜蟻穴破昏夢冷然神骨清含毫
墨痕凍

讀書草菴同高若黎潘師仲陸龍光

綠鬢年華歎無幾蹭蹬十年場屋裏漫教抗手欲擎雲
三寸雞毛提不起文章何處哭秋風江頭颯颯吹芙蓉
粉痕淺淡易憔悴春來復見桃花紅尋花浚谷共三子
素心晨夕忻相從一編梵夾紙牕破半龕佛火雲山重
妙香生處清如許灑灑山泉雜山雨禪板沉沉共僧語
折脚鐺邊夜煨芋

黃尊古將入都夜半訪余山寺詩以送之因寄
懷分靄主人

山中白日罕人迹中夜何來款關客客云理策向京華
送客出山山徑黑松風吹衣火明滅欲別中情轉悽惻
同是梁園舊日賓嗟我孤吟面空壁憑君寄語賢主人
三載離思寸心積冀北淮南渺何極迢遞雙魚斷消息
昨聞扈蹕征西回鹵簿前頭烽燧熄笑指金貂脫臂鞬
天子方今賜顏色君于富貴故澹然慎勿耽閑薄官職
家世常多衛霍功宗社終須股肱力侍從從容有餘暇
掃地焚香還讀易絹擘鵝溪紙蠶繭與客濡毫共朝夕

可知山館人寂寥
細雨春燈耿相憶

同梁汾先生登貫華閣觀成侍中三十小像感
賦二絕句并示鄒可遠

此照還同此閣存
幾人能唱憶王孫
風流休數鴛鴦社

只是傷心皂莢屯

鴛鴦社侍中密室
皂莢屯其葬處也

宛然側帽影徘徊

侍中詞
名側帽

彈指韶華老
淚垂誰取沉香

熏小像十年流落
一香眉

可遠有香
眉亭詞

和元人十臺咏

姑蘇臺

梧桐葉落寺門秋
覽古還來問武丘
四面盡如花裏住

六宮齊向鏡中遊
香生綠黛春風輦
露洗紅渠夜月舟
却笑越王臺尚在
鷓鴣飛去不回頭

章華臺

楚歌楚舞向誰夸
太史徒傳楚世家
開國自來傳筆路
築臺何意號章華
山迴巫峽分青靄
潮謁彝陵擁白沙
為弔飢魂釐澤畔
雙蛾愁殺斷腸花

朝陽臺

見說高唐事杳冥
仙姿石幻誤傳聞
有情眼底皆如夢
何處山頭不是雲
剝木曳煙凝楚岫
蔓花飛雨濕湘裙
嫣然一笑東家子
朱粉應憐著幾分

雲川閣集 言二
黃金臺

伯業銷沈等劫灰黃金照耀獨名臺
兵連五國收燕地力借羣豪始郭隗
豈在一時能雪恥直令千載感憐才
于今濩落風塵客猶是紛紛向北來

戲馬臺

戲馬元來楚故鄉鴻溝還記各封疆
儘教率土歸劉氏剩有斯臺與項王
一戰快心惟鉅鹿三分失策在咸陽
如何蓋世英雄氣獨爲虞子泣數行

歌風臺

乃公馬上竟如何千古荒臺客尚過
雞犬故鄉留地窄

煙雲高鳥著天多韓彭縱死猶生氣
淮泗交流少定波爲望中都亦豐沛
飛揚無復大風歌

望思臺

博望通賓禍始基釀成巫蠱事生疑
可憐鳩里逋逃久不道鴻臚感悟遲
木葉秋風愁絕處金莖曉露夢回時
湖城相望歸何日亦似神仙未可期

銅雀臺

東風野火亂紅塵瓦落鴛鴦漳水濱
鄴下風流誰是主西陵歌吹絕無人
月沉冰井寒香鏡花散華林薄錦茵
何似譙東起精舍讀書秋夏獵冬春

凌歊臺

鐵馬金戈欲暮年
埽平關洛定南燕
倉皇草澤羣雄散
破碎江山半壁全
誰奉赤書需傅亮
自乘黃屋笑桓玄
不知當日層臺上
歌舞能消幾社錢

鳳凰臺

鳳來不記是何朝
鳳去詩人久寂寥
安得狂才驚落筆
更携仙子對吹簫
勢凌絕巘朝看雨
地逼長江夜聽潮
六代興亡何足數
孝陵松柏也蕭蕭

大捷詩八首

學使磁州張公命賦

義馭方中日功成
早晏如殄殲三逆
後休養廿年餘小

腴何頑梗神威倏翦除
古來沙磧地萬里共車書

干戈當載戢

車駕重親征
飛旆關山險
鳴鸞道路平

鯨鯢驚殞命組練盡弭兵
此日膚功奏誰邀勒石名

羽檄憶紛馳張皇整六師
戈矛羣奮日宵旰獨憂時轉

粟莊浪衛連營花馬池
神功平北後下詔問瘡痍

六飛時命駕萬騎數臨邊
銳意誅蝨賊何心廣幅幘百

年烽火息四月凱歌旋輦路
風光好宮花簇錦韉

拜舞臣民共風聲遠近同
八荒尊廟略一德獎元功

賜酒葡萄綠賡詩芍藥紅
未應歌杖杜還為奏彤弓

僉曰非人力邊塵指顧收
戎樓閑鼓角戰士謝兜鍪誰

上安邊策奚煩借箸籌從今荒徼外不用更防秋
塞北餘氛靖天南被澤長未聞驚斥堠豈復困輸將雨
洗江河潤風清草樹香家家春酒熟唯是樂豐穰
載筆來多士穹碑早勒勛我師非黷武 天子更崇文
燕喜歸豐鎬鸞聲噦藻芹願言歌在泮獻馘永無聞

秀水先生予告歸里舟次賦呈二首

老臣長告願無違早拜溫綸出禁闈口外時傳 天子
狩江南人望尚書歸共知清宦于今少重挹蒼顏未古
希一片煙霞新賜與賜額煙霞者舊鴛鴦湖水煖漁磯

况聞 天語獨稱賢不忝官箴四十年甫罷詰戎咨秩

禮恐煩補袞賦歸田迎來郊外看飛旆行次城南喜泊
船一笑相携兩公子翰臣竹鑪同試慧山泉

與吳樹屏話舊

都亭把袂到于今季重交情感獨深何事別來猶故態
未曾消得是名心夢回珊枕心猶滯語罷蓬牕月又沉
風雨十年勞悵望世間縞紵半黃金

采山亭分韻得寒字

采山何似疊層巒石角玲瓏護翠闌風約篆絲生夜靜
酒消燈焰受春寒看來我輩鍾情易吟到梅花下筆難
今日風流仍倦圃未應零落舊騷壇

亭即曹侍郎秋岳故居

紅梅和邵飈園用東坡元韻二首

紅梅消息到何遲一曲紅羅欲度時色借杏花餘粉澤
膠黏皂角倍丰姿用皂角膠画紅梅于生匳開曉鏡融
朱靨酒壓春寒暈雪肌獨向青陽夸第一東風休上小
桃枝

鶴頂生憐破萼遲燕脂乍點薄寒時穠纖易得牽情夢
冷淡休夸絕世姿琥珀太多微沁頰芙蓉新寡暗消肌
卸妝仍結羅浮伴不犯紅塵笑荔枝

梅花謝後同飈園用義山潭州韻簡懷詒穀

江城吹笛遠浮空誰遣魂消一曲中殘夢依微閑紙帳

故香狼藉淡煙叢月明乍返南湖權花落深憐昨夜風
為問采山亭子上巡簷索笑幾人同

送華大年隱垣之金陵次唐四臣哉韻

又送君兄弟春風次石頭遲回分手意寂寞對門愁共
憶扁舟夜相逢瑣院秋秦淮無恙好涼月水明樓

送高若黎偕永齡上人浙遊

十載慕禪悅能叅最上乘此行無俗偶相對有高僧好
景方三月名山可一登寸心遙送爾風雨過吳興

訪朱竹垞先生不遇奉懷二首

迢迢十年內不一見先生竊欲師風雅猶聞記姓名飛

揚終未已偃蹇竟何成安得凌雲賦今來問長卿
相訪不相值煙村淨綠蕪門閑楊子宅人住輞川圖別
港斜通市平橋遠帶湖從來茅屋趣勝似玉堂無

次韻積書巖牡丹二首

人間兩無負名士與名花彩筆傳香夢紅羅散綺霞儘
教驚絕艷無事著紛華第一難忘句風流帝子家

帝子家梁汾先生咏牡丹句也

百卉三春盡春殘獨自花也知宜富貴可以住煙霞月
出全身現風回兩鬢華自饒傾國意生長此山家

由金山放舟至焦山家大兄次陵因作金焦二

山圖命題即用東坡先生書王定國所藏煙江

疊嶂圖韻

我兄愛画工画山隨形潑墨空濛煙含毫變化出新意
或師米芾或巨然家住九峰之下二泉側生平未識第
一中泠泉朝來鼓枻渡揚子江流澶漫如平川金山絕
頂罷登眺開帆直抵焦山前兩峰屹立縹緲間左江右
海蒼茫天海門日出照嵯峨平開曉鏡呈鮮妍朱方殺
氣盡消歇不煩弔古悲桑田潮回鐵甕絕奇處佳遊樂
在承平年興酣落筆恣揮霍圖成山色何娟娟妙高臺
迥金碧耀海雲堂偃蛟龍眠天機所到在筆先賦詩却

少東坡仙自知未脫塵土氣焉得與兄共結江山緣豁
我雙眸疊煙嶂願披長幅歌長篇

同家兄與秀水詒穀江樓話別

樓高瞰江潭歷歷數征帆征帆不少駐送君之濟南濟
南名士多玉佩聲相摩希風悉奔赴此去君如何只今
道路苦炎熱京口渡江風正烈弟兄握手殊倉卒今宵
便向江樓別江樓極目天淼茫欲別不別姑命觴臨觴
放意恣歡劇歛然爲我傾中腸他時富貴毋相忘感君
此語神闇傷年過三十賤如此絕口不敢言文章君方
年少頗挺特青霄一雁高飛翔袖中詩句亦秀出風雅

直欲師漁洋漁洋先生濟南住弘長風流尚當路龍門
高峙不可攀個儻還當邀一顧歸來楓落冷吳江回首
江樓渺煙霧

隋隄曲

隋堤一帶官河口不種桑麻種楊柳錦帆帝子數巡遊
厭住東京樂奔走將兵西域再征遼呼韓稽顙諸番朝
江都宮監伺顏色翡翠玻璃恣雕飾水晶殿揭珠簾開
香風吹送飛仙來凭肩笑語能幾迴夢游恍惚吳公臺
吳公臺下雷塘路野土茫茫亂煙樹傷心爲弔玉鈎斜
柳色昏黃不知處

揚州懷古

玉蕊不著花瓊姿已無色爭春一株杏夜闌聞歎息何
來萬花會邈若衆香國煙月空迷濛粉黛亦狼藉獨有
寒江上疎梅尚堪摘為問東閣中蕭條幾詩客

行行竹西路望望竹西亭竹西早蕪沒往事追重城三
千步羅綺廿四橋簫笙燃燈爛絳紗萬戶排春星漏板
敲懸璫玉鳳聲嬌獍一曲安公子醉魄何由醒狂生好
狹斜是處多牽情如何杜書記獨占青樓名

一上平山堂再拜歐陽子歌吹古揚州風流名刺史政
暇縱游宴看山輒來此蜀岡綿亘外京口蒼茫裏時移

采花舫座列傳花妓酒闌載月歸荷香攜袖底誰夸金
帶圍富貴良有以花開艷歲蕤花落傷榛杞唯有檻前
山歷歷江頭起

又五絕句

繡簇交衢鬧市聲荒涼豈復舊蕪城却憐南國香消盡
懊惱春風過客情

為歎平陳伯業休迷樓灰燼冷仙遊小東門去文樓巷
猶記維摩舊選樓

空尋螢苑并雞臺曳履何從拾翠來金甌玉階煙草沒
土花凝碧繡莓苔

吟殘豆蔻客無聊寂寞無人按玉簫二十四橋何處是
淡煙疎柳認紅橋

綠波環繞幾人家十里香濃菡萏花不道舊遊零落後

玉人還唱浣溪紗

王阮亭先生有紅橋遊記及浣溪紗倡和詞

春盡日同姚獻暘潘師仲飲陸龍光小樓作

羨爾樓居好相過把玉卮為憐春去驟小飲夜歸遲殘
蠟催人意餘花媚客私才驚潘與陸姚合復能詩

初夏同劉翁沛然鮑翁南侯過滄江先生齋分

韻得姿字

白日長如此清談未厭時人因閒有味花亦淡無姿竹

粉沾衣袂茶煙颺鬢絲愛吟翻閣筆為補送春詩

虎丘同侯粲辰華子山訪山陰戴隱君南枝

共理登山屐兼停訪戴船斯人誠大隱當世有真賢往
事悲禾黍傷心哭杜鵑塵襟堪一洗清挹第三泉

吳江晚泊

晚來風稍急且一駐孤篷漁火水村外櫂歌煙靄中潮
生初上月帆落到垂虹怙悵吹簫客無因喚小紅

同華協采讀書長壽菴因簡令弟馭調暨陸旋

玉朱若猷令姪葵儀

城南數同學華子最天真兄弟憐衰鬢文章老故人鄰

雲川閣集 詩二
鐘晨自省禪榻夜相親忍棄干時策蹉跎誤此身

雨後望新綠和惠濟蒼

一帶毵毵綠山痕間雨痕有人來麥隴無處辨花村林
氣含煙濕溪流背日昏好風吹不定細草亂柴門

村寺

人語斷孤村秋風破寺門再來尋往蹟一為弔香魂有
淚空花盡無情老樹存佛燈今夜裏夙業懺慈恩

小牕話舊三首

小牕人共對絮語數當時拂硯臨書細開奩約鬢遲解
聽新度曲喜誦晚唐詩錦瑟何心理華年不自知

紉扇驚秋早篝燈愛夜長金梭拋織錦玉指耐縫裳細
刺鴛鴦繡濃熏啖吟香夢輕綃帳薄碧簟透新涼
最憶傷情處金風咽素秋苦吟黃葉寺香夢木樨樓間
作經年別頻添永夜愁柔腸牽去住無路覓封侯

梁汾先生歸自粵中云去冬至今春途次皆梅
花桃李為極生平勝游聞者艷之因作長句兼
憶元臣

細雨輕帆颺麴塵嶺南歸客蠡湖濱由來世識真名士
何處花開不好春陸賈裝虛生計拙江淹夢老簇香新
十年簪筆紅蘭署又得風流第一人

雲川閣集 詩二
昆陵雨中與胡芋莊曹三蘿毛匏村過莊雲襄
書屋用岑嘉州渭南郊行韻

東風吹綠画橋西
曳屐相尋齒印泥
未謝海棠因雨濕
小垂天竹靠牆低
茶煙留客過亭午
花港維舟認隔溪
一渡白雲人惜別
牡丹開後手重攜

櫻桃曲

百果叢生百花老
果熟櫻桃春薦早
滿樹珊瑚綠雲罩
葉底鶯含朱實小
園敞蒲萄敕賜多
酒醉醱醱摘來少
月明光爛赤瑛盤
嘉宴還傳曲江曉
君不見荔支盧橘
盡霑恩畢竟輸他
顏色好

楊梅三首

三吳珍果數楊梅
葉底青圓玉孕胎
節近黃霉經雨熟
地鄰光福報園開
肯同盧橘堆盤未
早趁鮓魚入市來
傾出筠籃爭拾取
隔簾人笑落玫瑰

火實離離認却難
綠牕相對幾迴看
燕脂染就千絲縷
魚子黏成一彈丸
午倦未醒橫碧簟
晚涼消渴倚朱欄
小鬟新漉甘泉冷
露滴真珠濕玉盤

隨意拈來浣指尖
怕沾衫袖裏纖纖
色如醉纈凝肌紫
味便酸心沁齒甜
瓊液幾曾輸越荔
玉盤何待糝吳鹽
月廊香入吳山夢
好句村南和子瞻

蘇詩南村諸楊北
村盧又夢繞吳山

却月廊楊梅
盧橘覺猶香

同華葵儀清和菴題壁兼留別挾星上人

石洋舊荒村中藏數椽屋窈窕曲徑深脩然萬竿竹抽
梢過牆頭清風散林麓闌檻滿吹香枕簟亦凝綠我來
三閱月身如處巖谷繙書偕舊侶納涼共新浴移坐當
中庭露氣逼寒玉卷簾秋正佳堂名塵事苦相促不斷
過去心重來訪秋菊

九月十五日山中社集以張承吉惠山寺詩泉
聲到池盡山色上樓多小洞穿斜竹重階夾細
莎為韻分得階字

夫以繡嶺龍從漪瀾淡沲開徑則窩蟠鳳谷
臨池則水湧金蓮小閣秋聲王舍人之畫壁
層樓山色張處士之題詩因溯前朝緬懷往
事人如洛下蹟擬西園故足點綴山林挖揚
風雅爾乃銷沉歇絕不勝感慨係之然白社
雖墟而碧山無恙 鸞輿再幸寔增泉石之
光鶴夢多閒可結煙霞之侶脫二三前輩能
為大雅扶輪便零落同聲猶望小山承蓋于
時鄒子聖俞暨令弟泰和孟氏雙珠蘇家連
壁欲樹騷壇之旗鼓共訂蘭交為尋勝賞于

林巒旋攜桂櫂飛觥鬪竿正當落翠蕭辰劈
 素分牋却補題餽韻事問十老於濯纓亭下
 自是春申飲馬之墟假九龍為落雁峰頭可
 無謝朓驚人之句各分一字並賦短章

木落瘦蒼厓菊花猶繞階清秋正佳日高興來吾儕况

從商山老逢山曳芒屨時華先生滄江顧先生梁汾黎眉衡湘二鄒先生在坐前

輩欽風流卧病愁恒齋秦對巖先生因病不赴秋水思濠梁淚眼

還重指傷藕漁嚴先生飄零舊吟社跌宕新詩懷自茲翰墨緣

忍使雲雨乖歸舟圓月上滿照酒如淮

同顧中以侯伊傳鄒舜威泰和集聖俞是亦樓

觀名人画册分賦得周少谷秋水芙蓉

明代何人善花草少谷當年寫生好一枝兩枝如雨裊
 著手成春脫枯槁娟娟秋水波漾紅鮮鮮水面生芙蓉
 燕脂深淺入肌理霜華慘淡矜秋容參差花片半零落
 臨鏡美人粧更慵此態何人能繪得突過徐黃與崔白
 芙蓉出水謝家詩錯彩鏤金總無色

集燕綵堂限蘭亭二字

滄江高卧久學海尚波瀾憶昔風流盛於今聚會難墨
 枯重滌硯月黑對焚蘭彩筆知誰健生花夢欲寒
 欲研詩律細欣賞共玄亭七子紛雲霧三唐尚典型香

雲川閣集 詩二 十一
清生楚佩調古動湘靈誰把鯨魚掣滄波入窈冥

訪鐵莊陸先生得山字

輕橈宛轉過溪灣桑苧先生十畝間小徑縈迴籬外竹
矮牆重疊屋頭山撫膺直是悲今古與世何當絕往還
幾欲從人來問字西風落葉款柴關

讀方輿紀要追和宛溪自題元韻

著書元不為窮愁十載書成賦壯遊捫蝨固當為上客
彈丸無乃笑東甌瀾翻動地三江湧落拓還家兩鬢秋
俛仰乾坤空歷歷感時王粲獨登樓

蕭瑟江關庾信愁何如身共赤松遊眼前破碎無完壁

掌底摩挲剩缺甌空抱一編風雨夕劇憐孤嶼海天秋
扶桑銅柱休回首元氣冥冥化蜃樓

讀天啓宮中詞八絕句

夜半乾清聽處分蟒欄蟬鬢拜恩新頒來菜戶雙金印
奉聖夫人顧命臣

弓刀隊隊擁香車彩鳳門前儼翠華出入五更宮漏盡
日華高照露行花

白綾桑色羽衣輕絕少長門望幸情買賦無煩還課讀
可憐紅粉盡書生

長春風露欲寒冰簷溜傷心慘不勝明主獨憐高永壽

玉河秋水夜燃燈

凋盡寒梅剩幾枝坤寧望斷亦多時趙高傳內分明甚

說與君王總不知

三錄曾經御覽來聖書終被聖心猜就中不解為何語

爭似知書女秀才

匠巧天開自古希手操斤斧捷于飛終朝雕刻渾無暇

十作多應抵萬幾

雲龍飛起剪貂璫滿地茄花委夕陽可記牡丹開信郎

天香真繞御袍黃

同子思感舊

爾我知交逐歲新賦繙思舊各傷神一從夢斷盧生後

哭到姚生第四人

謂盧漢昇惠殿賡
暨寶雲生姚獻暘

讀筆花史贈答詩為賦三絕句

素衣早浣舊緇塵十七靈書祕訣真誰向絳紗稱弟子

筆花小史女門人

別鳳離鸞曲未終情絲斷續藕絲風三山舊侶三生約

不在濃香一夢中

佩聲釵影總微茫驀地紅妝易縞裳一曲清溪小姑曲

從今莫更唱無郎

為陸鴻儀題畫兼呈家大兄

寥寥松石舊傳衣

家兄與鴻儀同出松石張先生門下妙手通靈世亦希

九龍山人故居

九龍山人王舍人孟端自號也嘗築居山下

邵文莊尚德書院即其故址事載容春後集

乃歲久湮没人無問故居處者梁汾先生命

賦以補邑乘之闕

朝游九龍山山翠向人落綠厓歷蒼莽煙雲起芒屨緬

懷山中人高風不復作簪筆中書堂十載文淵閣晉代

恣往還江淮間飄泊何事賦歸隱不出青山郭泚筆作

山水解衣獨盤礴更入竹三昧得之山居樂

文莊云山人画竹妙

今古謂得之此中

山居久埋滅無從得搜索偶讀容春集撫卷

成驚愕二泉舊精舍山人始開鑿豈知百年後規模總

非昨廢池衰草積破屋枯藤縛古竹兩三竿亂響風吹

籜俯仰何茫茫殘陽沒山脚

李相讀書臺

我生不得讀書力鎮日攤書嬾成癖欹欹歷落可笑人

徒向空山撫遺迹山空碑版多漫滅姓氏獨傳唐相國

片石曾蟠仙李根一編長映青松色人生窮達那能料

仕路飛沉更難測三俊同時不同遇苦抱孤忠紛感激

雲川閣集 言二 二十九
海天黃葉菊花秋重上家山已頭白相業倏如泡露沒
幽咽泉聲弔書客乃知開卷信有益豈似模稜空伴食

古硯歌爲銅鶴山人作

山人自言居長安七載下第南歸旅次得宋
金華紫泥硯又於青山中弔太白墓見松根
一石掘之乃白遺硯殆希世寶也因爲作歌
銅鶴山人雙古硯古色斑斕人罕見山人著手爲摩挲
蛟螭宛轉紅絲亂持牋索賦古硯詩問君古硯誰之遺
一爲金華太史公一出太白青山中世間靈物會有合
今君得之兩奇絕乃知巧匠斲山骨古篆雕鏤未蒙滅

錦茵玉匣時一新鳳唳龍尾相爲鄰天生異質必有用
豈因冷落山間人君不見青蓮才子清平調沉香亭北
曾宣召又不見學士三觴倚醉歌君臣之樂當如何兩
公所遇稱絕少至今文采猶相照遺來雙硯實玩好璧
水煙華助摛藻射策天門君未老請君再上長安道

雲川閣集 詩二

雲川閣集 詩三

春明夢草上

起乙酉
訖丁亥

無錫 杜 詔 紫綸


自乙酉 南巡召試被 命來都迨辛卯始舉京兆
七年之間橐筆三館出入殿廷不可謂非儒生榮遇
也顧青衫顛顛飄泊風塵豈無秋士之悲聊托春明
之夢姑存藝語用作笑譚

迎

鑾詩

學使韓城
張公命賦

歲在旃蒙支作噩 重下詔求民莫孟春之月始東



雲川閣集 詩三
巡為駕倉龍徧咨度維時河工初告成宵旰猶煩示方
略大臣恭請再南幸風土三吳紛繡錯吳民望君如望
歲一覩 天顏心悅樂 宸遊四度又三載 溫旨傳
來恩再擴警蹕無聲鹵簿前鼓腹含哺任耕鑿東風獵
獵響纓鈴吹得飛書到巖壑 臨軒親試南國英恐致
懷才或淪落多士聞之良自忤生長明時食藜藿蓬萊
獻賦重逡巡捉筆何緣恣揮擢菁莪雅化大作人使者
持衡方振鐸上繼輶軒下採風鼓吹休明沸韶濩徽徽
摘藻抽秘思珍重含毫儘搜索太平樂事不勝紀河嶽
懷柔雨暘若波平淮海澤汪洋色麗江山氣磅礴城過

鐵甕勢崢嶸路指金閭風綽約綵懸天半蔚雲霞樂奏
宮中滿樓閣夾道焚香擁絲障隔水飄燈颺珠箔青旂
搖曳仙仗移錦纜縈迴御舟泊黃埠墩前九峰下月滿
花開宛如昨瑛靄韶容三月深簾幕春寒無處著此際
懽呼應轉劇小臣迎跪增抃躍赭黃新帕裏瓊牋願奏
衢謠調管籥鳳鳴雖雖寧敢託 天子來游雅歌作

聞

召後自蘇至杭紀游三首

繁華數吳會况此駘蕩春雨歇百花洲鸞彗方埽塵步
輦繞城曲行麾眄江濬肅肅豹尾中容我草澤臣朝隨

飛艎去春水波鱗鱗

迤邐胥江口出郊覽平蕪綠溪衆綠甍夾岸英莛敷東
風展燄旗宛轉吹行艫平明過鶯脰薄暮停鴛湖濛濛
煙雨樓一幅笙簫圖
十里涵一鏡分明曉光上湧金春色多蘇堤綠波漲鳴
鸞駐彫輦飛鷁迎彩仗歌管遞繁沸風燈互搖颺流蘇
百結中湖心渺相望

紀

恩詩十六首

龍飛四十四年春玉輦來遊第五巡共覩雲章垂日月

草茆爭作獻詩人

一帆風過九峰山小艇恭逢綠水灣為奏迎鑾詞數闕
微臣容易識天顏

望望金閭豹尾竿綵旂行復向臨安黃門宣敕休歸去
草綠長洲候玉鑾

太平黼黻未曾諳小技雕蟲祇抱慚豈意自邀天獎

後一時齊唱望江南

迎鑾詞
調江南好

先期明詔集鄒枚多士如雲就試來筆秃腕生真自愧
敢論書法併詩才

何當採藻自天邊幾度含毫意邈然為望雲栖雲五色

雲川閣集 言三
御香薰透百花箋

行宮 召試以 御
製幸雲栖詩命題

臨軒親閱品題真同日承恩五十人自是尋常科目外
別開金榜重南巡

凡才豈合望登瀛生長蓬茨負 聖明宣召幾番臣獨

後 至尊垂問數呼名

宛宛龍旂入境遲黃童白叟鎮相隨臣心更是瞻雲切
又進梁溪望幸詞

篙師牽引接行艫簫管聲中錦繡圖恍入玉清仙境裏
幾絲煙雨泊蓉湖

中使相扶上御舟簾開清水午風柔恩深咫尺 天顏

近引對分明玉案頭

辜負青袍已半生廿年場屋總傷情恭承清問從頭對

溫旨親教上玉京

聖顏開霽語從容江硯宣毫滲墨濃晝靜劈縑書未罷
琉璃屏底自鳴鐘

龍鸞勢簇鶴文綾玉座親書重百朋四幅頒來分次第

微臣拜手最先承

同時受 賜
者凡四人

手捧 天書到華門墨光騰處御香溫老親驚喜遙迎
拜扶服兒孫謝 聖恩

敕赴行臺拜賜金免將行李累親心只慚未辦凌雲筆

雲川閣集 詩三
容易高飛到上林

出門

出門意惘惘欲別語悽惻親年已衰邁兄病方藥石對酒誰能懽遲回忍離側嚴命趣我行黽勉向京國朝來戒行李就道亦孔亟平生有壯志蓬居苦偏仄浩蕩京華春拓我舊胸臆四庫紛縱橫羣書恣紬繹手提三寸管此行良自得其如兒女仁臨岐可憐色

蓉湖離席

挂席出南浦揚舲過西城蓉湖且弭櫂日淡煙嵐青親朋紛祖餞絡繹長短亭連檣引絲篴駢筵列罇罌泥飲

無停觴浩唱無停聲遲遲上華燭沉沉及深更嫵婉窮今宵竭此歡會情離人闇自傷推篷看曉星須臾待明發渺渺千里程

初至都見圖舍人培風暨令弟以仁感賦

卒卒已云至棲棲何所依憐君好兄弟使我如來歸小雨浮金醖疎簾卸葛衣數椽修竹裏不改舊園扉

分靄亭對竹有懷澹士先生

一別分靄亭忽忽驚十年重來意蕭瑟修竹仍嫵娟人靜有如竹貞貞抱幽獨脩然澹無滓翠蒨清可掬曉露滴猶響秋風吹不寒朝華易顛顛獨立青琅玕玉筍又

雲川隱集 詩三 五
叢茁檀欒妙生色孤高遂鸞栖修潔資鳳食日夕對沈吟慰我平生心簷前新月上可以調素琴

曉過居庸關

北平襟喉首居庸崩峒峒嶺蟠千重山石犖确一綫通
兩崖對插軍都雄關舊名軍都稜稜鐵障分鎖鑰地界南北
茲權中擁衛神京壯門戶控扼海宇捫蒼穹儒生酸寒
氣抑塞到此豁達開心胸勒馬須臾一以眺邊城一帶
青濛濛兜鈴無聲埃火熄羊腸道與康莊同秋風獵罷
迴六龍朝光閃爍旌旗紅

彈琴峽

攬轡度沙磧黃埃撲雙耳滿聽風怒號悲笳吹又起忽
來絃上聲何人調綠綺宛轉幽谷中金徽弄纖指居然
太古音泠泠出澗底征鞍不少歇餘韻殊未已嘈雜箏
琶夸絕技此調不彈休再理跋跋彳亍長安市碎琴誰
識今才子

八達嶺望月

角聲嗚嗚風聒聒路出重關登八達龍沙萬里浩漫漫
皎月孤懸兩眸豁馬嘶人語草颼颼獵火齊紅鷹上鞞
黃瓜黑豆兩谷口夜深紫塞胭脂愁凜冽霜寒逼人苦
到此懷鄉最悽楚解憶長安小兒女那見征人淚如許

夢斷三首和王丹思韻

夢斷纔驚夜半鐘
隔簾零亂曉燈紅
幾經跨鶴人難覓
一餉登仙路又窮
巫峽乍回疑雨後
齊州遙望簇煙中
憑誰笑倚垂楊岸
分付斑駁趁好風

一聲初報景陽鐘
日上扶桑送曉紅
繡被濃香渾未減
錦綾新樣定無窮
曾云解珮來江上
其奈看花隔霧中
惆悵傾城消息斷
等閒二十四番風

恍惚渾疑尚曉鐘
小牕人起頰微紅
蜂黏冷蕊飛仍急
燕落香泥語亦窮
鏡匣慵開妝閣裏
剪刀閑放繡幃中
誰云邂逅能相遇
蔓草無情怨鄭風

初雪二首和楊乘萬韻

白盡庭階暗撲簾
半空何似糝吳鹽
乍來片片渾無著
不住霏霏旋欲添
冷壓牆頭欺樹老
細穿牕隙趁風尖
阿誰肯作梁園客
欲賦無才悄倚檐

孤吟只合下重簾
白戰元來不道鹽
渾似海風天際落
逼真詩思客中添
却寒琥珀沉杯底
呵凍珊瑚碎筆尖
一點梅花香國夢
無因索笑枉巡檐

奉

命校歷代詞恭紀二絕句

幾拋心力悔填詞
驚喜傳呼受命時
丞相憐才親入

雲川閣集 詩三
奏微名吹向九重知大學士陳以詔能詞首薦
樂府遺音寄倚聲沿來格調宋元明為商蘭畹花間體
彈入雲和奏玉京

館中口占一絕句示王雲岡楊乘萬

信手繙書觸御香却教才子共王楊揚州烟月蓉湖雨

回首三生未渺茫

余與乘萬蓉湖舟次引見並叨恩賜御書隨駕至揚州一見雲岡如

舊相識茲兩君適與同館殆夙緣也

十二月二十七日蒙

恩賜文雉嘉魚二十九日復

賜狐裘一襲丙戌元旦進

乾清宮行朝賀禮恭紀二章

嘉魚宴樂雉文明不數金壺玉糝羹厥筐乍開狐腋暖
尚衣新製綺裘輕時方送臘承天賜人最宜春荷

聖情次第謝恩雙闕下又聞宣敕到乾清

曉逐鳴珂集九閭紅雲繚繞月華門不圖今日來天上
自分何人謁至尊列仗聲齊仙樂細賜衣香近御爐
温分明萬壽燈光裏俛首真難說感恩

次培風除夕直宿見懷韻同華雲岫楊魯公

我亦焚香坐五更為承恩旨謁乾清春燈當月看如
晝臘鼓迎風聽滿城路隔雲霄才咫尺夢回閨闔最分

雲川閣集 詩三
明紫微花省多仙侶應共圍爐說太平

花朝讌集四首

舊遊零落復新知不放傷春到牧之一笑豈云無覓處
百花多在未開時金鈴小繫香仍淺羯鼓高催信較遲
共是軟紅塵裏客薄寒消得酒盈卮

春滿長安觸處譁小園閒淡是誰家也曾著意教我柳
絕不聞聲喚賣花酒借醪醱浮玉罌曲真懊惱咽紅牙
草生蘭笑愁雲暮肯向東風擲歲華

此會良難各記名百年中有幾同聲笙歌到處能娛客
風雅何人尚主盟祇許心期懷舊雨漫誇詩句唱春城

曲江那少看花日辜負名花已半生

何當送客復留髡歌換新聲酒復溫誰謂青衫多失意
每拈紅豆一銷魂煙迷隔院鐘初動月轉迴廊蠟半昏
歸去定知香夢穩不勞金鑰鎖重門

和徐供奉子長韻再送雲岫二首

月明蕭寺坐昏黃說到離愁話更長正是寸心成百結
春風早又落丁香

中懷牢落色蒼黃潘鬢新添沈帶長此意到家君莫說

老親歡喜

賜衣香

時以賜衣
馳奉老親

送以仁扈從口外

雲川閣集 詩三
從獵東陵後崎嶇復此行路長緣入塞山好不知名雨
濯邊塵淨風開帳殿清故應無暑到隨處是蓬瀛
况有晨昏戀時同扈蹕遊解鞍頻倚樹點筆試臨流沙
草平馳道煙雲落戍樓更看歸路好紅葉四山秋

集博將軍問亭齋分得壺字

坐有金貂客春風煖玉壺人誰訶李廣論或著潛夫舊
雨歡偏數新年興不孤放燈從夜永歸豈怕金吾

舟次維揚和雲岡別家三首韻

屈指歸期二月天雜花生樹笑嫣然裝成曉陌渾如綺
消盡春寒欲禁煙挈伴偶來蕭寺裏試泉曾泊惠山前

紅燈夾岸層樓起點綴風光倍昔年

却悔匆匆過一春無多笑語對家人生憎隔苑梨花老

差喜安巢燕子新滋味真成嘗臘酒樊籠殊未脫閒身

青袍綠鬢同歸客相望時還隔水濱

時與雲岡暨俞子陳芳李子月江楊

子滙南乘萬同假歸里

繁華一夢是耶非燭冷香殘夢亦稀碧草有情憐客去
亂紅無數送春歸蒲帆早挂青簾舫蓋篋重熏白袷衣
小疊錦牋留別句摩挲誰為濯薔薇

再疊前韻三首

轉眼風光又各天莫雲春樹兩茫然卷簾樓上飛梅雨

繫纜江頭蘸柳煙人遠鄉關歸夢裏夜闌言笑憶燈前
風塵羈紲由來慣作計狂遊一二年

長安日近有餘春未許天隨作散人見說書藏中祕好

時御選詩餘告成多慚賦出上林新蓬山歷歷知何處碧海茫

茫笑此身回首故園惆悵絕一竿孤負蠡湖濱

涉世無勞歎昨非不才寧復嘅知稀北征再賦常為客
輦下重來亦當歸誰解羈愁如中酒略關離緒輒沾衣
從今休唱秋娘句刻意傷春是紫薇

博將軍問亭以楓莊新詠索和不數日謝世哭
之以詩

一冊楓莊橐朝來不忍看秋風傷白燕舊雨憶紅蘭

紅蘭

謂玉池生也問亭齋名白燕栖放浪詩名在冥濛月魄寒沉吟翻閣筆
淚漬墨痕乾

莊太史蓀服命題野航即次賈太史毅菴韻

眇矣寰區直一漚浮生飄泊問東流楚人自愛蓬蒿室
燕市何來舴艋舟輕幙似煙初上月嫩涼如水最宜秋
筆牀茶竈居然在心事無勞語白鷗

奉

命分纂廣西省方輿考略恭紀

九丘書已邈八極何茫茫山川敷禹甸封域稽周疆幅

員辨華夏聲教遺蠻荒後王日開闢邊徼皆梯航緬維
百粵地置郡由秦皇德薄而地大六馬弛其韁元鼎既
移漢武德旋歸唐劫灰遞變易桂嶺常青蒼前明置廣
西控引連湖湘我朝大一統遐邇歸弘綱無煩說尉
佗自然來越裳粵踞地勢雄邕管爲巨防奄有廿五州
生齒臻富彊山水擅奇秀碧玉青羅長二十四巖峒巾
地流灘江風土洵美都清淑如中邦宜人無瘴癘雪片
梅花香古蹟復堪眺卓立盤龍岡險絕崑崙關銅柱遙
相望廖家遺井宅柳子餘文章物產亦云富荔子丹蕉
黃紅椒并綠芋榕樹兼桄榔靈異更充牣犀象交呈祥

蛟珠明月彩紵布雲霞光遐哉真奧區瑰麗安能量吾
皇德懷遠萬里如同堂鯨鯢不敢驕厥貢盛筐篚一
尉復一候來享而來王丞相貯圖籍官司嚴職方欲令
聚米勢歷歷儲縑緡爰命考方輿廣輪析毫芒小臣預
編纂拜手分琳琅迢遙八桂地蒼萃群書倉道里如可
遡土物粗能詳往從阻湘水縮地同長房裁成裴秀圖
奚羨陸賈裝愧無龍門筆編寫蘭臺藏帝光無弗被
作歌效賡颺繩繩金甌業受命方溥將

和友詠物四首

螢

未得碧紗籠空依腐草叢夜昏明滅處光細有無中巧
入疎簾雨早飛隔幔風一聞新詔下齊向景華宮

蟬

何為當夏急嘒嘒極無端蛻豈登仙易饑應好潔難雀
曾驚画扇貂不稱儒冠那更逢搖落秋風木葉乾

蟋蟀

秋雨不堪聽聲聲露草旁元來甚微細亦似怨淒涼蟻
穴無安枕蠅頭即戰場鬪者飼以蠅血半閒堂下客那復顧襄
陽

絡緯

札札鳴何處空廊機杼聲可憐當夜織不識幾時成斷
續驚閨夢參差攪客情却輸河漢女皎皎獨分明

查澹遠先生招同王麓臺先生暨徐其章鄭魯
村諸同學小集花前分韻得精字

偶來看画聽棊聲小几疎簾坐轉清笑語後堂諸弟子
風流前輩兩先生塵昏故紙楷磨盡墨寶新圖賞鑒精
更為寫真煩妙手飄零猶得占詞名時屬禹尚基作
花雨填詞圖

花雨填詞圖未成澹遠師先辱題句賦謝

風流弘獎得吾師小令羞稱絕妙詞自分不才難入世
更將何策便逢時花因帶雨開還早燕欲栖香去較遲

雲川閣集 詩三
憑仗春風透消息朝來吹遍上林枝

送澹遠師之古北口

暫隔 龍顏幾月餘心隨行幄侍鸞輿病中慰藉來
天語堂上殷勤拜 御書諫草可焚知獵罷朝衫應換
欲寒初此行屈指無多路紅葉西風駕小車

送魯公因柬令弟介公暨華子思潘師仲鄒泰
和陸龍光諸同學

此夕無端送爾行一燈愁對說離情三年作客憑師友
千里懷歸念弟兄時得家書望闕即應來上苑到家時
復過南城二三朋舊如相問杜老於今悔北征

西山紀遊十絕句

昨歲中秋後一日圖舍人培風邀余及楊生
魯公往西山竟日旋返未盡所遊也今九月
九日與王子雲岡作西山遊自阜成登車薄
暮次西苑宿培風家園明日循苑北行次玉
泉山徘徊靜明園外久之是時方修治宮牆
缺處得望亭池樓榭殆非圖繪所及一守者
令人前導至清虛洞上望湖亭更得一縱目
焉折而南行次卧佛寺老僧爲余留行笈遂
徐步入山至退谷有孫少宰北海所構退翁

亭引泉作流觴曲水中爲煙霞窟舊隆教寺也法界莊嚴庭中花果繁亞皆御苑中物其旁五華寺上有栖雲閣踞山巔挾飛泉作勢爲一巨觀已而從礮谷中漱泉盥手迤邐而上飯於卧佛晚乘月復憩退翁亭夜分始就寢又越日早次碧雲寺寺後有魏忠賢墓近御史張公瑗奏劾仆碑平之而墓旁尚有內璫六祠豐碑屹立雲岡語余曰盍并剷除之以祀楊左六君子乎未幾天垂陰至香山坐來青軒四顧煙嵐滃鬱作微雨雨止復行次

永感寺宿寺亦明太監宋縉所建時有玉泉山內官孟退老於此談前朝宮掖掌故及西山興廢大槩頗了了十二日亭午次聖感寺惜山行委頓不能歷寶珠諸勝遂下山登車入阜成門返太倉先生邸第登擁青閣回望西山與雲岡歷數所游處在隱約有無之間因各口占得十絕句示培風魯公屬和焉

重向西山續舊遊西風落日共淹留曉來次第看山去
輾得輕車當小舟

何處風光似越吳水村漁舍颯菰蒲望湖亭外湖光渺

裂帛湖分捏鉢湖

琅琅石竇玉泉清咫尺仙凡隔靜明縹緲煙雲中斷處
暫教著眼認蓬瀛

犖确難行磽道中飛泉噴激響淙淙問渠滌得塵心未
退谷還傳有退翁

吉雲深處足煙霞慧雨飛來散寶花莫道上方空色相
一庭琪樹借天家

滿山都說內官墳第一崢嶸數碧雲羊虎石麟蹲立處
稱功元老撰碑文

雙碑並什墓門前白玉蟾蜍早化煙一疏近傳張御史

傷心重弔萬屯田

緣危登頓歷重隈細路雲根一線開颯颯西風黃葉寺
四山吹雨送青來

故宮泉石冷芙蓉永感蒼涼剩古松老監絮談猶髣髴
白頭宮女說玄宗

幾曾探得寶珠還踏破芒屨好是閒再上擁青高閣望
亂雲遮斷夕陽山

小至日喜澹遠師病少間

中使頻宣問文園病長卿歲時逢小至 天語祝長生
賜硯紅絲細函經玉篆明感恩時涕泣一疏是精誠

時口

雲川隱集
授謝恩
摺子

次韻酬其章并示魯村

我已無兄弟天涯仗友朋
蕭齋來鄭谷彩筆見徐陵
玉籍還分校蓬山可共登
箇中滋味薄誰去乞紅綾

其章以鏤

餅分餉并貽詩云雖然不當紅綾識可免沾污玉畫又

自題花雨填詞圖三絕句

落花人獨立微雨燕雙飛
晏小山句也余少嗜填詞取以作圖蓋十餘年矣比奉校詞之命索題於同館諸君而王子雲岡序之宮詹查澹遠先生猥賞小詞顧以是圖未得神似

因倩禹鴻臚尚基改作并系以詩知己之感
輒為泣然慨夫零落風光念此微茫身世縱
添毫頰上未是真吾而託意花間聊溫昔夢
云爾

廿年漫浪笑狂奴粉墨生綃換舊圖
苦憶憐才查學士倩他妙手禹鴻臚

慧業生前那復知紅箋一幅小山詞
謝橋蹋遍楊花路腸斷春風獨立時


懊惱風光欲暮春
搓酥滴粉句猶新
優曇一覺三生夢
花雨元來不著人

雲川閣集

詩四

無錫杜詔

紫綸



春明夢草下

起戊子
訖辛卯

戊子元日同王丹思徐其章和錢虞山已丑元

日試筆韻二首

漫對紅梨說校書三年今復履端初九華玉殿看還近
一色青衫笑自如絳蠟燒殘朝旭上瓊籤數徹曉寒餘
無端又作鈞天夢何處承明是直廬

宜春帖子幾番書又理吟箋試筆初說項情傷楊祭酒

謂查薦雄文愧馬相如驚心客路三千外屈指親年八

十餘小飲屠蘇不成醉擁爐深夜憶蓬廬

萬壽頌言四章

龍集四十有七年日升月恒朝乾夕惕履郊
壇而洽禮開講幄以橫經下詔蠲租惠宣吳
越遣官發粟澤被江淮占年兆大有之祥書
之月令講事在三農之隙甫罷春蒐序屬陽
春時逢 聖旦珠斗明而拂曙璇樞運以交
輝閭闔門開蓬萊山接桃花千樹天上春多
楊柳三眠人間日暖和氣風行於八表歡聲
雷動於九衢頌 天子以無疆惟兆民之有

慶於是家陳舜樂戶進堯樽百僚申介祉之
思率土効稱觥之願顧奉觴上壽祇應玉佩
羣仙乃詣闕陳詩許附青衫多士蓋各叨榮
遇旣厠身藝苑之中且疊荷殊施嘗拜手丹
墀之下恩皆出於望外慶自發於中情所以
著爲篇章形諸歌祝者也 臣猥以蕪陋得預
編摩初無握槩之能兩奉校書之 命按新
聲於樂府微窺蘭畹花間考往蹟於輿圖粗
識山經水注紛披四庫難工應制之篇沐浴
三年不盡紀恩之作况遇式燕承筐之會適

雲川閣集
詩四
當鳴鳩拂羽之辰望一色之青旂知九重
之春色百花叢裏身在鸞坡萬歲聲中歌傳
燕喜雖才非風雅深慙採藻天庭而志切敷
揚竊願抒情毫素敢効三多之祝敬陳五字
之詩

鴻圖綿鳳曆四十七年中宇宙文明象謳思浩蕩風歡
逾周燕鎬語陋漢呼嵩閭闔瞻非遠卿雲捧日紅
垂衣成坐理纖悉為民謀司會籌偏熟農祥戒必周青
旂回曉蹕赤羽罷春蒐輦路桃花發春風暖鳳樓
日麗雲成五春多月閏三階莫餘葉葉宮柳護毳毳玉

案浮香細金莖浥露甘風光思昨歲駐蹕在江南

率土盡瞻

天長安况日邊時當稱

萬壽臣恰住三

年詣闕容多士登瀛羨衆仙願言歌燕喜一奏九如篇

假館觀察韓公第中同周二緯蒼作

盈尺階前地依然廣廈中門多吳下客我亦晉人風隔
幔分花豔裁牋鬪曲工周郎才絕世感慨寓沉雄

雨後留緯蒼小飲

無計留君住聊為卜夜歡綺疏聽雨細蓮漏滴花殘得
酒春猶煖吹燈夢不寒肯將雙彩筆為我賦幽蘭

送春次蕭天池韻

我尚歸無日春歸我不知晏眠中酒後微雨落花時舊
事黏香夢新愁理鬢絲客中吟不得最是送春詩

玉泉山

山疑鬼斧鑿雕碾憑虛空誰云一培塿削玉千玲瓏龍
旂鳳輦不時至半山中是蓬萊宮天風吹下一仙子纖
手亂插青芙蓉拂鏡微瀾疊空翠小響丁當雜鳴珮迸
泉石齒細濺濺錯落真珠玉聲碎流入宮中注玉河蕩
瀟太液還餘波螭頭噴薄如流酥銀牀繚繞軋轆轤憑
君玉虎牽絲汲碧浸玻璃冷於雪直抵金莖露一杯寂
莫相如易消渴

送宋冢宰漫堂先生

詔之受知於公在撫吳之明年于茲蓋十有
六年矣公被冢宰之命還朝而詔已來
京師嘗謁公邸第今且歸榮於鄉感舊抒情
不能自己用賦七言轉韻八十句

尚書玉珮聲琳瑯願言歸政數上章一朝天子可其
奏白頭才子歸洛陽曰歸曰歸還待命再拜天恩趣
裝竟八騶徐行飛蓋定祖帳都門百僚盛薰風蕩漾白
玉卮酒行且起為歌詩歌詩絡繹前致辭皆云風雅真
吾師海內何人主風雅高築詩城足方駕堂堂作者稱

宋王力障狂瀾補天罅漁洋振鐸揚正聲寬裕肉好和
且平漫堂先生轉清峭山泉極品嚼水精蛾眉動魄詎
同貌總令一顧皆傾城方之元白故失倫庶幾王孟或
抗衡詩人自古半淪落 聖世特出名公卿傳天鳳羽
各翹翹椅桐百尺相和鳴風流日下幾前輩漁洋歸後
惟先生世說綿津說詩細縟采雕章並芟薙羚羊挂角
徹玲瓏隻手拈花示真諦誰歟慧解得神髓林立三吳
十五子三吳風氣蔚雲蒸衍溢颺流自公始采風吳下
辱輶軒一冊吳風洛陽紙區區篆刻嗤陋儒亦復挂名
門下士年時騰蹕三吳間投詩往復羣躋攀青袍色妒

白堤草彩毫花發靈巖曉石湖小汎春風船臨流共賦
滄浪篇及來長安踵游宴後堂絲竹森羣彥自笑鯁生
轉局縮雜沓名場倦徵逐十年剪拂徒孤恩霜鬢猶然
戀場屋致身青雲苦不早弩末還思穿魯縞力微安足
張我軍顧視龍門切驚懊只今相送思糾紛搦管句落
春空雲千山濃綠日又曛扳援不及徒云云人生衣錦
頗平淡得賦歸來顏色粲同時鼎輔半林泉 天子加
恩公獨冠煌煌 天語頻咨諏兩朝勲舊誰與儔方期
補袞作心膂廣平相業歸商丘乞身謝事一何驟牋劄
仍教不時奏賜詩錫燕蓬池頭走馬飛香梅雨後中誠

雲川閣集 言四 五
戀闕重逡巡巖花澗草迎蒲輪蒙城有社迹豈湮脫簪
歸杖新詩人他日還來朝 至尊衣冠洛下多老臣

呈孫檢討莪山先生

文章海內誰宗工當年嘖嘖稱韓翁兩公光燄詎銷歇
大雅不作還餘風莪山先生後來者豈惟豪橫當羣雄
六軍森嚴壁壘壯長驅直用偏師攻陷堅挫銳無匹敵
脫略凡近鑿混蒙呼吸玄風酌天酒嗜好寧與酸鹹同
十年視草一官冷磨光刮垢昌黎窮文明 天子試曰
可遠銜使命八閩中搜羅才俊燭幽隱有如皎月懸秋
空天寥海闊足瀕洞鐵網一罨珊瑚紅自茲海內握文

柄南金灼爍歸陶鎔我來輦下越三載先生請假居山
東迢迢泰岱青突兀仰止弗及心忡忡昨聞先生復還
闕驚喜便欲褰衣從平生固陋恥干謁躑躅世路嗟萍
蓬姓名無人置牙齒終歲局促傷樊籠自知學殖日荒
落苦守章句徒雕蟲幸逢先生重拂拭譬之頑石經磨
礪寸心早識辨香在從今低首曾南豐

賦得雨微荷氣涼即限雨涼二字

田田葉始齊的的花半吐漾漾出綠波纖纖著微雨無
聲露珠落鏡裏秋如許香冷濕不飛凌波笑相語
阿誰盪舟去一水空青蒼澹灩極深浦靈靈生夕涼因

風理環珮流霧沾衣裳莫作采蓮唱驚起雙鴛鴦

韓任之孝廉索賦簾波詩限開字

水晶簾作水滌洄縷縷絲絲剪不開銀蒜小垂風漾去
玉鈎斜挂月飛來桃花別院浮紅雨草色當階浸綠苔
消息傾城休隔斷微波託處是良媒

立春日集陶然亭用昌黎人日城南登高韻三首

長安感秋客蕭騷自嘲弄忽覺東風來吹開幕雲凍嗟
哉伏櫪鳴老大示可用荏苒竟何成淹留悅朋從坐無
薰蕕雜氣得壘簾共握手情已諧憑高目還送白日駐

荒陂青陽活枯葑林梢鳥語新街頭馬蹄縱生不厭歡
華時還謝恹恹誰爲桃李花濃笑春煙重

我生不得意中情託吟弄誰云彩毫銛能破江斫凍汲
古強剽竊如借楚材用燕山盛才子颺沓苦趨從城南
致高會春酒一亭共暄暖因春開酸寒藉春送易以占
盍簪詩其戒采葑標榜何足多風流各騫縱出山盡逋
客無爲笑倥偬世有買賦人黃金百斤重

縣邈江南春梅姿雪晴弄溪南偕舊雨舍舟踏殘凍山
川吐清真造物資妙用抱暖香欲飛牽雲鳥爲從漁唱
發滄浪夕陽嵐影共釣月天自寬汎萍風忽送夢驚燕

雲川隱集 詩四
山柝路斷蓉湖葑婉婉祇自迷清狂末由縱樊籠更拘
跼杯酒亦倥傯燈火將安歸羈愁各珍重

春雨

濛濛竟日隔簾看如夢如絲欲賦難少女有情霏薄靄
社翁何意釀輕寒蜨憐粉蕊黏初濕馬惜香泥踏旋乾
惆悵梨花人寂莫玉容低壓碧闌干

花朝集王氏清聽軒為郭于宮賦兼呈子晉王

孫

往者歲在丙戌時值花朝李君蒼存顧君迂
客招輦下同人為西園雅集相與開襟締賞

列席追歡彈指三年驚心此日兩君則消磨
壯志甫就一官諸人尚落拓長安漫懷半刺
縱極飛揚之志材不拾於春卿何堪羶糈之
容世共嗤為秋士青衫濕處大可傷心紅杏
開時正多觸目誰為好事之客復開選勝之
場時郭子于宮才雄江賦名湧海濤以吳質
之工愁常游鄴下因劉安之招隱盛說淮南
于是廣集勝流式張高宴詎比石家梓澤徒
記元康六年乃假王氏蘭亭預作永和三月
會當撲蝶鼓合催花春風在豆蔻梢頭暖氣

雲川隱集 詩四
逼芙蓉帳底氤氳入座象口吹香爛熳當筵
螺心汎酒妙選梨園小部唱到開元爭翻都
尉新聲歌成激楚圓頤團輔是兒可喚櫻桃
修態姱容斯舞亦勝楊柳按朱絲而調玉管
覺細響之漸沉焚豹髓而熬鸞膏旋華燈之
交錯王孫旣去客且無歸公子多情歡猶未
滌看滿堂之譁笑諸公豈類溺人幸接席以
流連下走寧非健者踔蹇于飛爵騰觚之會
狂態偏多抑揚於濡毫吮墨之間微詞不少
僉謂當茲豪舉敢云負此嘉時然而有酒澆

愁無花入夢慨昔游之似昨念今雨之依然
人固同病相憐我復憑心未化拈殘紅豆都
成懊惱之歌擘盡蠻牋勿作牢騷之語塵埃
良苦將託足以奚從閨苑非遙亦乘風而欲
去爲問湘靈鼓瑟何來江上青峰抑聽子晉
吹笙待駕山頭白鶴

蓬萊無仙休笑人翡翠共戲蘭苔春暖雲搖綠相鮮新
眞珠船激波鱗鱗蕩漾春心動春酌絲肉橫飛歌間作
拍手擊碎珊瑚聲玉山甸線呼狂生香霧迷漫隔簾看
細數春星夜將半前度劉郎歸不歸樓角風燈忽零亂

紫幢軒楸花爲子晉王孫

青青蔭層軒童童一車蓋

韓楸樹詩青幢
紫蓋立童童

簇簇吐新花

瞳矓被朝靄孤幹脫蘿纏長與松杉大迴含古淡姿幾
到無色界王孫謝羽葆飄然寄塵外紫幢遙相迎臨風
弄瀟灑香色妙霏微人間餘粉黛

殘杏和王丹思韻

帽檐簪得幾枝新無賴東風撲面塵再著玉鞭應有路
四圍錦帳不多春月斜樓上愁含酒雨過街頭懶賣人
曾記敲牆窺宋玉小紅微露淺深頰

園花艷發獨白海棠姿韻澹然殆花中逸品也

夜來風雨恐傷零落夢中得句云願得將身護
海棠起而足成之

願得將身護海棠全身冷淡素衣裳不煩紅粉重塗頰
且理青鬢略改粧似爾醒來仍宿酒倩誰扶去就沉香
分明狼籍梨花朶入夜因風壓象牀

賦謝觀察韓公二首

憶過雲亭自舊年不才寥落倚公憐容搜柳篋書千帙
許借槐陰屋數椽小几疎簾鄰別院綠牋紅豆問前緣
何來真箇銷魂語又作天游往事傳

東風小草仗吹噓今日雙眉許暫舒識得紫蘭香莫並

雲川閣集 言四
傳來青鳥信何如時當夢雨傷春候人在沉醲病酒餘
欲發狂言元未敢多情深感李尚書

送周二緯蒼四絕句

送君翻恨識君遲多謝春風顧曲時唱徹紫雲誰解得
繡簾風細月明知

只今爾我兩飄零賣賦猶憐病長卿莫道頌成縣竹後
無人為薦子虛名

孫莪山賈毅菴錢天查儲中子諸先達並以奇才目之

十年彈鋏不求魚輦下如同海上居

緯蒼家上海

懶慢過於

稽叔夜更無人與絕交書

有先達過訪者皆不及一往答也

兩心惟戀雪蘭香冷逼山泉味自長

韓孝廉齋名蘭雪其素性疎淡與緯

蒼及余獨相善

寸草自憐留不住望雲歸去共蕭郎

時與天池同歸

汪九籲三情深惜別語託傷春賦得韋端已斷

腸春色在江南二絕句久為長安佳話矣因次

韻嘲之

不放花飛到蜜房春風多事結丁香翻成別鳳離鸞曲
消盡三生錦繡腸

為誰腸斷在春三浥透春痕玉淚含我亦傷春傷別者
為君重賦憶江南

再疊前韻戲贈籲三

密帳燈昏暗曲房曉來應泣夢餘香春衫瘦損芙蓉肉

無處安愁一寸腸

蠶眠三與柳眠三各自牽絲半吐含狼籍東風人不見
玉鞭何處鳳城南

唐益公東園小集時申三惠吉將南歸口吟忽
漫相逢是別筵同人為之黯然而拈為起句

忽漫相逢是別筵半銷紅蠟語纏絲故鄉兄弟他鄉酒
才到歡然却黯然

送王補亭丈落第南歸即次留別原韻四首

先生久矣倦風塵孤負長安五度春

丈以丙子鄉薦

點額幾多

同病客過江先有兩歸人

謂莊書田顧俠君

驚心花事紛梨雪

觸手文瀾瀉水銀贏得新詩滿懷袖李唐才子說盧綸

莫道無犀可辟塵珠簾十二捲殘春吹簫誤認登仙路

操瑟誰為當意人九市門多饒綺麗三山臺亦號金銀

風翻白日滄溟闊跋浪鯨魚脫釣綸

浮名於世直纖塵寥落生涯不計春把酒豈宜澆趙土

逢花只合問秦人歌翻楊柳矜眉綠鏡拭芙蓉惜鬢銀

白鶴江頭歸夢穩一簑煙雨稱垂綸

無端飄蕩逐輕塵我亦懷歸又過春客裏更多傷別意

眼前都是阻風人一鞭山色花如綺雙槳江濤月汎銀

回首櫻桃初宴罷高車大馬自紛綸

為友人題花涇讀書圖

韓非孤憤虞卿愁古來書客徒啾啾挂書牛角行且讀
黑色小兒苦不足誰似君家弟兄好長日怡然恣幽討
撲人花氣春細縕如何搖落秋樹根

送吳七雲

最憐吳孝子

晉吳隱之以母喪哀毀過禮見鄭緝孝子傳

不得戀慈幃為客

五年別奔喪千里歸風吹雙淚眼雪滿舊縫衣嗟我還
留滯驚魂怯奮飛

次韻楊匯南留別二首兼懷七雲

幾年同滯迹先我上歸輪無祿堪將母虛名似乞身紅

梨聽雨夜青嶂隔江春兩地愁驚別知心更幾人

把臂還深語愁心托轉輪殷勤相送意局促未歸身有
限揚州路無多杜牧春九華山可即為說苦懷人

咏珍珠梅同樓敬思吳勗初紅椒上人分韻得
心字

珊珊清影月明林瑟瑟偏宜綴碧簪隴首折來春意小
掌中擎出雪痕深六宮誰慰紅綃淚一斛空傳玉笛音
剪斷翠絲穿不得忍教零落結愁心

金廣文絲五招同徐芝仙劉東郊吳勗初賦得
冰車行得落字

雲川閣集 詩四
我家三吳半溪壑飛艫鼓舵水行樂燕地苦寒逼沙漠
凍合玉河波底涸有車無輪維以索宛若吳艘岸頭泊
一夫挽車行復却蹴踏層冰滑芒屨十里涵光空閃爍
冷浸玻璃平似削胡來公子勢熏灼下馬登車張翠幕
雜坐氍毹履交錯半脫金貂浮鑿落不解春風變今昨
醉叱蠻奴試冰薄笑我南人心膽弱凌風只慣乘青雀
履冰歸來驚且愕冰山峩峩忽銷鑠平地波瀾轉眼作
送劉東郊二首
天涯殊索莫半載喜相依不道君先去誰憐我欲歸鄉
心夢烟水別語淚春衣目極江城路風檣掠燕飛

小駐蓉湖櫂煩君過我廬心知游子意手遞老親書計
已逢時拙歸當及夏初莫云分袂日愁絕病相如

和查悔餘先生梅菊二隱圖三首

分得徐熙兩折枝水邊林下共幽期都無桃李爭妍意
各耐風霜獨立時玉笛不教吹落早金鈴何事怨開遲
柴桑肯約林和靖邂逅相逢酒一卮

隔籬花倚過牆枝澹絕交情會有期與我周旋疑避世
自天作合竟同時月斜風細聯吟好雲老山空欲去遲
一幅分明招隱賦玉堂人對笑銜卮

小小幽香短短枝十分寒瘦負花期敢邀一顧思傾國

雲川閣集 言四 十四
難得雙眉画入時黃綃有辭知絕少白華多愧補應遲
草堂歸去能偕隱共撚霜毫弄玉卮

宿賈編修毅菴海淀寓中感賦三絕句

狂歌落拓自年年能得先生數見憐細雨玉簫塵夢裏

一聲吹送到群仙

毅菴每下直輒命賦一詞因携示內廷諸先生猥辱稱賞

每夜尊前喜倡酬微雲詞筆數秦郵劇憐豆蔻花狼藉

多少春風在扇頭

勵南湖先生出扇命書小詞數闕

幸得微名達

至尊

先是方輿之辱諸先生交薦

命薦由毅菴又

飄

流仍是負深恩落花點點濛濛雨飛上青衫作淚痕

以時

花雨填詞圖乞題

丹思作杏花春雨江南圖送余南歸與其章小

謝籲三諸同人各有題句因酬一絕

好句都應入画中杏花微雨濕東風春來為憶江南路
歸去江南又落紅

口占一絕句

一庭花發爛春華抵得人間富貴家只恐春三花易老
玻璃餅貯象生花

澹士賦安得詩數章垂示以一絕報之

讀得先生安得句雖然廊廟亦江湖綠簑青笠吾儕事
他日扁舟得共無

雲川閣集 詩四 十五
同館諸君子餞余於蓮花灣口占

小社吟蓮共碧紗

是春同人倡和
有吟蓮小社詞

獨憐游子苦思家分

明繪出將離恨無數尊前芍藥花

時供芍藥廿
餅為余佐酒

同子長南歸得倡和詞一卷率題于後

與君歷歷紀歸程款段聯吟託倚聲自是淺斟低唱好

笑人何事要浮名

用柳耆
卿語

邀鄒一泰和同遊京口不果

扁舟隨處好安得爾同遊詞賦須才子江山數潤州嶼
分淮浦月潮帶海門秋獨自揚帆去煙波動客愁

過江與培風話別

一歲兩銜 命知君將復回歛然飛櫂去特地渡江來
執手青山暮驚心白浪迴黯然無一語清淚落殘杯

次韻張際熙酒後題揚州店壁并留示郭于宮

楊匯南

何以破岑寂與君姑命觴縱然為客暫亦復厭更長風
雨自今夕關河仍故鄉挂帆歸路近容易夢雷塘

題贈鄒景何

我友三鄒子

謂景何及聖
俞泰和也

風流迴絕倫君尤愛渲染名

豈託沉淪未盡煙霞癖還傳花竹神分明趙松雪長對

管夫人

景何於閨闈中
以筆墨相師友

又北

三載一歸省匆匆又北行回思親更老轉歎我何成骨
月傷心語江山恨別情長年催曉發早過呂蒙城

怡谷弟同余入都至召伯疾作遽歸

兄弟相為伴長途慰客思忽焉分手後仍是獨行時旅
夢何由穩歸心強自持春風吹去權看盡綠楊絲

榜後二首

得失元來不自知秋風颺穩歎歸遲纔窺月魄雲無障
轉惜霜華鬢有絲食葉驚聞蠶簇後吹笙喜到鹿鳴時
無端客淚青衫濕卅載心傷寸草私

草茆何幸預編摩拜手欣從玉殿過

時書成議敘誦太和殿謝恩三

館有才臣力淺一官難効主恩多瞻雲路近親離照

負曝心微仰太和為念江鄉消息到雪消殘臘暖春波

宿擁青閣呈拙園先生

西風席帽歎鈴竈客路迷漫酒不醒一顧有人教脫白
七年知己感垂青重登小閣來明月却望層霄見列星
半樂多情分半榻

謂雲岡

後堂絲竹許同聽

歲暮有感因呈三原先生二首

廿載困場屋寸心傷路岐不才甘世棄何意辱公知淚
盡秋風後寒深暮雪時老親書一紙喜得慰衰遲

亦有飛揚意誰憐
濩落蹤容臺懸一鏡

公以禮部分校北闈

太岳

峙雙峰

座主趙江二公並位尊望重

薄命休云蹇
明時豈易逢
此恩

孤不得學殖愧三冬

